



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCCII. ad annum CCCCXXX.

**Parisiis, 1644**

Concilivm Romanvm Svb Caelestino Contra Nestorivm.

**urn:nbn:de:hbz:466:1-14918**

alias sepe damnatos, constitutum fuit, ne licet summam pre se ferrent pœnitentiæ speciem, amplius in ecclesiam reciperentur, quam sapius grauissime eluserant. Hunc conuentum episcoporum celebrem fuisse, ex præsentia Sisinnii Constantinopolitani, & Theodoti Antiocheni episcopi, euidenter intelligi potest. Acta huius Synodi perierunt: Canon, quem Photii bibliotheca seruauit, reliquus reperitur hic dumtaxat vnus: *Si quis post anathematisimum fuerit aliquando deprehensus vel verbo, vel opere in suspicionem huius morbi lapsus, nunquam amplius in posterum locum habeat, neque si decies millies polliceatur se esse paratum ad omnia, que ad pœnitentes attinent.* Vide Baronium anno 427. num. 23.

ANNO  
CHRISTI  
427.

CONCILIUM  
ROMANVM SVB CÆLESTINO  
CONTRA NESTORIVM.

ANNO  
CHRISTI  
430.

## NOTA.

Causa Concilii.

<sup>a</sup> *Romanum.*] Causa habiti Concilii hæc est. Scriperat Nestorius ad Cælestinum pontificem epistolam de Pelagianis episcopis, qui ob hæresim Pelagianam suis episcopatibus priuati, Constantinopolim ad Theodosium confugerant, de iniuria sibi illata conquesturi. Atque vt Cælestinum in suas partes callide pertrahere posset, semine suæ impietatis totam illam epistolam replet, quasi hæreticos ille correxisset, ac S. Mariam non theotocon, sed Christotocon appellandam esse docuisset. Suos hac de re scriptos commentarios addidit, eosque cum literis per Antiochum virum illustrem transmisit. Eodem tempore Possidonius diaconus cum literis Cyrilli, & commentariis, quibus Nestorii impietas confutabatur, superuenit, expectans quid de Nestorio excommunicando pontifex sentiret. His itaque literis acceptis, Cælestinus congregata Synodo, Nestorii hæresim nemine refragante condemnauit; ipsique Nestorio decem dierum spatium ad resipiscendum, per literas ad eum missas, præscripsit: demum nisi resipiscat, anathema comminatur. Scripta epistola ad Cyrillum de rebus in hac Synodo gestis, extat infra part. 1. cap. 15. in actis Concilii Ephes. suas illi vices committens, mandat, vt nisi Nestorius intra decem dierum interuallum, tam verbi prædicatione ad populum, quam scriptis palinodiam recantet, anathemate illum feriat, aliumque episcopum Constantinopolitanæ sedi præficiat. Baron. an. 430. num. 1. & sequentibus. De vita, moribus & doctrina Nestorii infra Concilio Ephesino plura.

Nestorius  
cum sua  
hæresi  
condemnatus.



CÆLESTINVS P. I. C. ALEXAND. THEODOSIVS VALENTIN. IMPP. 675

EPISTOLA I. NESTORII  
AD CÆLESTINVM.

FRATERNAS nobis inuicem debemus colloquutiones, vt vna \* inter nos secundum obtinente concordia, &c. *infra Concil. Ephes. part. 1. cap. 16. pag. 345.*

EPISTOLA II. NESTORII  
AD CÆLESTINVM.

SÆPE scripsi beatitudini tuæ propter Iulianum, Oron-  
tium & ceteros. *Extat infra in Concil. Ephes. part. 1. cap. 17.  
pag. 347.*

EPISTOLA CÆLESTINI  
AD NESTORIVM.

*Extat infra in actis Concilii Ephes. part. 1. cap. 18. pag. 349.*

EPISTOLA CÆLESTINI  
AD CYRILLVM.

*Ibidem cap. 15. extat pag. 340.*

ANNO  
CHRISTI  
430.

CONCILIVM ALEXANDRINVM  
IN CAUSA NESTORII.

NOTA.

\* *Concilium Alexandrinum.*] Cyrillus acceptis Cælestini literis, qui-  
bus delegatam in causa Nestorii potestatem acceperat, statim coe-  
git Synodum, in qua quatuor legati decernuntur hi: Theopentus &  
Daniel episcopi: Potamon atque Macarius ecclesiæ Alexandrinæ  
ministri. Hos cum literis Romani pontificis ad Nestorium ablega-  
uit, præscripturos ei decem dierum spatium ad hæresin suam abiu-  
randam. Addidit quasdam epistolas synodales, quarum vna cum  
duodecim anathematismis, ad Nestorium delata est: reliquæ ad cle-  
rum Constantinopolitanum, & patres monasteriorum scriptæ fue-  
runt. Legati Constantinopolim profecti, die Dominica, dum syna-  
xis in basilica haberetur, acceptas literas & anathematismos Nesto-  
rio obtulerunt: quibus ille cum se in crastinum responsurum pollici-  
tus esset, toto biduo delusit: tandem nec respondere quidquam di-  
gnatus est. In peruersis dogmatibus docendis perseverans, pro more  
hæreticorum ad declinandum iudicium ecclesiasticum, & ad eluden-

Acta huius  
Concilii.